



佔畢齋

~ 16
2368
1

共八



和
2368
卷一-8



佔畢齋集卷之一

和晉州權揚口清風亭韻

揚口之韻柳通質承湜請賦



清風君子政陽陽花滿園林水滿塘恰有遠山通
縹氣任教畏日樂朱光看雲看竹拖筇杖邀月邀
朋醉羽觴一片浴塵飛不到丹青須倩願長康

疑川竹枝曲九章書與梁娃

絲管高樓鳴珮環輒香半落蓼花灣鴛鴦屬玉雙
雙舞惹得愁攢八字山

梅天靄靄雨頻來雲門巖壑水喧阗誰知萬派同
流意無限離腸不自裁

樓下清江畫鷁浮樓中簫鼓每驚鷗使君燕罷皇
華使深鎖歌臺鞞玉鈞

又是江頭被襖春閑追女伴賽江神汀洲日暮蘋
花吐安得招招指缺人

四月江頭楊柳花花飛渡江點晴波相隨唯有浮
萍草柰此人生離別何

金洞驛邊蒲獵獵馬山港口符田田佳期三五又
二八試問前村採蚌船

郎意搖搖如竹枝妾心休比藕中絲竹枝從來多
苦節藕絲寧有勝針時

作
秋

作
穉

靈井山頭月欲高玄裳羽客喚江臯共君須向中
秋夜閑藏倉灘音雪濤
咫尺樓前潮欲到須臾却向海門迴長安遠信猶
堪寄潮縱不來魚自來

登買浦樓次雙梅堂韵

布鞵烏巾孰比流晴窓徒倚掉吟頭牛羊遠牧草
鋪野鵝鷺驚飛風打樓帆影遙省鄉井暮珂聲恣
憶禁門秋殷勤為向沙鷗道莫恠盟寒不少留

次恭原東軒韵贈同年崔使君

武陵村巷半槐樹藹藹浮陽特地春冰雪已消山

帶學簿書多暇視留塵青雲事業君須了白屋襟
期我自新耿耿一燈相對處清鏡聊且語精神

次陝川東軒徐象判居正金承旨壽寧韻二

首

徑尋光陰馬上消長安回首轉遙遙春風滿眼堪
傷別劍氣橫空陡覺高捫虱清談宜月夕持螯狂
興負花朝澄心樓下寒溪水醉拍欄干燭鬢毛
南來情況苦騰騰管領風光且暫能祇為優游常
蠟屐還嫌枯幻便踈僧醉鄉日月須窮討塵世功
名每錯應跌宕散人誰省錄等閑東度復西登

到冶爐縣裝衣洞陝川教官崔公宗復送妓
咏甘棠以詩却之

莫向巫山惱客魂騷人只是望脩門東風二月棠
花早曾憇周南使者軒

王金夜吹小琴

嫋嫋聲穿綠暗村半鈎淡月滿簾痕憑君莫弄清
商調恐有梅花落故園

靈山鄉校壁上次成宜寧韻

曾向花甌把筆吟一丘一壑稱幽心故人天上頻
相候應怪生藟阻玉音

善源來訪金孟性字善源

柴門掩李下握手共開顏物色能供笑風流未覺
慳挑燈談欲罄恨別意相關明日甘川岸垂揚可
忍攀

與善源遊甘川西岸美中集童冠賣酒肉至
飲噉間善源有詩次韻

藹藹春陰遍江邊踏細莎賓朋盡青眼諧笑當高
歌金馬夢魂少驪駒離思多西邇雖信美其柰斷
絃何善源有西邇信宿何之句故云

渡桑巖灘隻履陞水惻然賦此灘在燕岐

日暮桑巖深波浪滔滔去行人水逆鞞隻履在何
許應知落春漲漂冒蘭杜渚俱出不俱返離思誰
與語蒼茫烟靄間回首空迤邐俱出不俱返楚昭

阻雨留燕岐示林使君秀猷

短靴低帽拂征塵尊酒留連且探春但使神君能
好客不妨甘雨便關人半茸樹抄亭抽葉鳴咽溪
流易感鱗仍憶故鄉寒食近河豚上水巖芽新

林君見其二子因請名命其長曰穆字子冲
季曰積字子勉又請贈詩

伯高千載播清音謹敕頌當矣此心深賀乃翁

養正一經終勝滿籛金

莫將銖寸枉拋空一簣終成九仞功良貴自修入
爵至吾知玉女有天公

乙酉二月二十八日宿稷山之成歡驛濟州
貢藥人金克修亦來因夜話畧問風土物產
遂錄其言為賦七羅歌十四首

郵亭相揖若相親包重般般藥物珍衣袖帶腥言
語澁音君真是海中人

當初鼎立是神人伉儷來從日出濱百世婚姻只
三姓遺風見說似朱陳

星主已云王子絕神人祠廟亦荒涼歲時父老猶
追遠蕭鼓爭陳廣壤堂

水路奚徒數千里年年來往飽曾諳雲帆掛却馳
如箭一夜便風到海南

漢擘縹氣通房駟雲錦離枝水草間一自胡元監
牧後驂騑歲歲入天閑

烏梅玳瑁黑珊瑚附子青皮天下無物產非惟東
府庫精英盡入活人須

車螯海月與蠔山巨口文鱗又幾般日暮腥烟暈
鄉井水虞千舶泛鮮還

萬家搗袖飽秋霜採着筠籠渡海洋大官擎向彤
墀進宛宛猶全色味香

使君車騎簇長圍雉兔磨磨百族披海島但無熊
虎豹林行靈宿不驚疑

連除草際遇錢龍祝酒焚香是土風北人驚怕爭
相笑還恐吳公在竹筒

閭閻子弟游庠序絃誦而今樂育多滄海何曾斷
地脉翹村往往擢巍科

頭無岳上靈秋水旱不能枯雨不肥霹靂雲嵐生
造次遊人疇敢褻神威

火脫島西水相擊風雷噴薄怒濤高萬斛海鱗傾
側過行人性命若鴻毛

候風淹滯朝天館妻子相省勸酒盃日中霖霖霏
霏雨知是鯁魚噴氣來

素沙院茅亭

凌晨渡泥濘茅宇壓平原鴈鷺無天遠蔓菁蓋地
繁紛紛三道駟點點數家村回首南州客情懷未
易論

二月三十日將入京

強為妻孥計虛拋故國春明朝將禁火遠客欲沾

巾花事者皆晚農功處處新差將湖海眼還眯而
街塵

士譚新自義州來以宣川石硯將贈兼善予
棄得之詩以謝兼善兼善承文博士洪貴達
宣城紫硯東方奇大勝綠石含風漪文房不可一
日無玉德金聲我所師許君得之十襲來持欲贈
君君不知我昨剝啄叩其門覲此益友神忽怡輒
因笑譔八懷抱許君詒怒胡恤之還家靜置筆格
傍紫潭疑有玄雲垂正當閉戶註蟲魚斷博片瓦
休相隨為投燕石代肉袒他日罰壽安敢辭

送尚少尹赴平壤

公戊辰年為秘書郎時先
君為校理

憶昔省父芸香閣公乎時作南床長千頃之波不
可燒風望令人頻夢想魯山民懷尤紫芝頽器遺
俗自滌盪故來諫掖陳謹議介介宜受興玉賞忽
膺僉舉貳西候緹騎朱幡指平壤平壤乃是父師
國八條教典民共仰公今為政柯不遠從化由來
猶影響坐令道亘亘舊俗張趙真堪作廝養崇陰
有望公勿淹沮江水碧春盞盞丹青華袞可指日
密令亦與雲臺像

寓興

作燒
作波
挽
疑

無君凡幾月晦魄八環回世事詎可問故人猶不
來暖泥新燕快溢雨小掩開寂寞歌春興東風吹
酒盃

同內翰元和仲權不器金希禹辛丞仲瑤趙
直長杵遊榮福亭亭即讓寧別業是日雨因
宿是亭妓二人衝雨而至

江邊跨馬踏芳菲江上華亭俯釣磯白雨亂隨紅
雨落前帆遙帶後帆故佳人拾翠歌蘭渚賈客分
魚叩板扉明月酒醒還齷齪浮生此會定應稀
八窓風雨夜淒淒燈火曠籠醉眼迷簇簇盃盤梨

釘坐喧喧歌吹鳥驚樓潮生鷺渚嘔啞鱗月黑人
家哢喔鷄行樂一春難辨此莫愁故鞅濺淤泥

和洪兼善濟川亭次宋中樞處寬韵

吹花擘柳半江風檣影搖搖背暮鴻一片鄉心空
倚柱白雲飛度酒船中

三月二十九日聞鸞

墮紅殘萼更堪憐回首名園草似烟驚殺午窓鄉
國夢鶯聲依舊忽清圓

和兼善送鄭學諭致韶之大丘

鄭君以親故辭朝班求為教官而去昨日

來告別僕不無感感歎羨之志無善示以
送鄭君詩四絕無善鄙作噫無善之志余
志也雖然無善則有官守余為時所棄而
亦底滯旅食何也於是步其韵錄似鄭君
以為行賸云鄭君母在永川無善父母在
咸昌

千里鄉關萱草春君今得得作閑身琴湖更播菁
義澤慎莫看同去國人

親在高堂胡不歡喜君先得我襟期貧謀一飽時
還笑世態健忘如漏卮

憶向疑川故意遊筆床茶竈釣魚舟年來未醒慵
間夢南浦閑生一片愁

誰人遺子紫瓊琴琴鶴樓中多古心我亦東書從

此逝湖山風月待知音

聞圓覺寺鐘

藝文月科

丹碧輝輝覺帝官闌梨朝暮鼓新鐘入天會上聲
交應獅象鳴時氣自通尺紐每搖頭菌蠢寸蓬那
撼腹夢鴻將茲永鎮千齡運虛鑄金入笑祖龍

四月八日夜與無善登南山脚觀燈時兩宮
與世子在圓覺寺作法事

極西誰道聖人生幻做鯁岑不夜城徹曙魚深遠
焰舞滿天星繞教棚明禪寮競遺香糖水御樂遙
聞法部聲自愧吟詩仍大瘦未隨釵髻到鷄鳴
燈者士女填咽街巷頗有醜聲

兩宮幸圓覺寺還宮時中言女妓歌謠等事

女妓其禁伏以君為民而種福三寶是憑
月配日以增明四方咸仰茲記慶讚善一瞻
謳謠恭惟柔道膺神歡音嗣世儼如等於
中壺開隆母儀協福於聖人故依象教
崇細宇斷手之日仙蓮花捧足之衣翼鳳

輦而副以魚軒貴桑門而禮于狔座非烟
非霧祥雲靄以輪囷如蜜如飴瑞靈紛其
霑灑寶花散墜設利交輝民民物物之共
觀在在處處而相慶茲符徵之駢集實前
古之罕聞將見玉燭載調珠躔式序堯鈐
戢於遠塞風雨順於四時家國磐安人神
闔懌兩宮享南山之壽百世鎮北極之尊
妾等蓬島未流梨園賤伎屬觀鸞儀之返
仰獻巴里之音其詞曰

金地鳩功日龍天啓慶辰霞誠轉與法輪新嘉瑞

自董璘倪姝光玄德承乾布至仁煌煌冠第返中
宸歡拚洽臣民 巫山一段雲

長端新軒次沈觀察使 璿韵代郡事作

常喜分符近日邊此心耿耿不欺天小軒酒散仍
明月喬木春殘自翠烟莫訝有人朝歌辭只慙無
術拯顛連凶年枉費經營力時對棠陰一黯然

送曹清河之任

長安頻陟岵小邑子干旄舊政騰蒼海頭銜紫
袍民應思父母利已盡錐刀行擬棠陰牘者題撫
字勞

茅竊位于朝而善源負屈稱殆將二十年最後中
丙申親試若騎省若鑿坡凡朝之清選善源無不
與焉余嘗在嵩善善源以言語被謫高陽凡三年
四方負笈之士履恒滿門方是之時其志其道同
余及善源者以游則自史館同罹善源之辜役于
山陰克已則宰居烈乃以吟詩不輟見罷於方伯
而隱于天嶺子健則鳴琴知禮俄丁家艱而廬于
甘文余亦獲罪於天杖母觀而還于凝川雖俱在
數百里之內書筒之遞無虛月而連床之語則不
能異其源之也及余喪畢謬蒙 聖恩首返于

朝未幾善源與其三人者先後雖不齊而相繼各
還皆集于京師雖牽職事不能朝夕唱酬而其相
須相倚之情何有間於南坊北里之異居乎况善
源與余同官于天曹于類官又同事于輿地之局
離日少而不相離者居多此豈非天也前年秋善
源被
首省災傷于東都界部繼以推究鄉豪
之獄馳啓申稟動延時月余心耿々頗訝久闊俄
而星紀已更春序將盡善源始復命才數日而余
之瞽然相面者亦一再而已嗚呼善源今其已矣
今其已矣往者克己以親老乞聞韶而去善源茲

又長辭焉生離死別不儻旬朔向之所謂同志而在
輦轂之下者余與少游子健只三人耳三人之中余
又衰疾疑之種種者日以脫齒之搖搖者日以缺眼
之眦之者日以曹山林湖海寂寞之濱毀車殺馬
以願養餘齡乃其宜也而未能決去何也善源海
平人也非唯有同貫之分而且締潘楊之好今其
寡女哭隨慈氏奉柩而徂于南余之感念亡兒之
懷又烏可堪耶遂作哀詞以叙余之悲悼而慰善
源於幽昧云疑々其表兮肫々其中輔以問學兮
既博而通發為言語兮有雅有風其光燁然兮仁義

之充取與以耳兮破除崖岸朋友以敬兮惟希齊
晏完詞奮身兮名譽愈燮更歷清要兮庶大有遇
中羅窳逐兮曷渝平素操執之確兮茲余所慕并
入天官兮年未遲莫孰云中塗兮遽殞厥靈天不
可問兮神不可聆伯道無兒兮誰肖典刑孤妻嫠
女兮扶柩以還十里故原兮墻巽艱闕止堂空
兮溪水淙潺魚鳥翔泳兮松桂日長物候猶昨兮
斯人何往嗚呼已矣兮心焉惘恍

山中入辭

克己與都永昌韓仁孝及甥康伯珍等浴

次崔正字叔精

昭代何人隱薜蘿一材一藝盡爬羅曾叨翰墨唯
君共肯恨屠沽不我過郡國尚猶覓卒乘園田無
乃困差科新篁清耐真難負况是吾曹暇日多來
詩有堯中無絳紅三交階上新篁長數科之句故云

又次崔正字二首

生紙題詩字字新非君鄭重更誰親能教醞籍青
州麴也解蜚騰白水人塵世樂回悲頓坂天閑不
是乏騏驎縱然經濟吾無分夙志猶堪異一伸
古琴曾記韻琅琅顛脫如君合處囊握裡明珠踰

百十眼中駭骨眩驪黃詩葩但可浸醲郁巴俚終
應隔渺茫莫更沉吟虞富貴行將視草入明光

謝德方惠僧統送扇

方外神交有惠休松風舊雨憶曾遊年年六月炎
塵漲令我龍天一掬秋

次魚善三首

當時我亦謾為官今日非因病得閑泥潦康莊車
馬陷方知行路向來難
小窓高枕雨踈踈閑看蝸牛上壁書童子打蒿妻
理織生涯也任黑話餘

恨不生來貫酒泉空將白眼睨青天玉皇造化非
關我休笑當年危得仙是日有政事

東武吟擬太白樂府

朝歌少年行暮為東武吟朝暮聲激烈鄰里為和
音不知者笑我知者惻我心士生天地間君親恩
義深忘義即忘恩幾何不數禽我有一畝宮縹渺
凝川尋虬蜉尚適垓栖栖意靡任華山不忍訣旅
食久滯淫慈母附書至爾無慮故林胡將紕繆策
明時空陸沉苟得三釜養是亦吾曾參服膺更激
昂流淚何泔泔先容阮乏人天意又難謀同門盡

顯無地傾曾襟春暉不啻負夙志墮莫尋城中
三伏暑緒風吹霧霖北市換斗粟老婢悲袖袵突
有濕薪煤一日不再黔泥塗滿坊郭何處訪盍簪
形神每鬱鬱日月但駸駸商歌徒自苦嚮撐難得
斟携持五羊皮曷售雙南金拾穗有林類抱甕有
漢陰江海可固窮故興誰能禁

龍掛占騰字藝文月課

三百六十鱗蟲長能幽能明不可陵珠潛自蟄九
重淵飛則倏向天門騰平生謾有葉公興牖間一
窺安足徵我行正值梅雨餘龍公忽掛雲千層玉

鱗來驟自撐倒村人鼓舞香烟外須臾雨點若車
軸隨以霹靂聲軼軼龍公神化詎可測衝臆橫擊
纖氛澄故來閉門久吁恠慌惚奇遇真難憑豈如
奉我御天龍千秋萬歲瞻時乘
顛風斷渡雷軼軼白日匿景蒼雲興玄間有物不
了了蠅螟宛轉憑雲升村中翁姥出門看稽首指
點龍公騰朱火燁燁射天外倏暘倏陰光飄凌茫
洋呼吸窮大虛漏水下土漂溝塍我時頓足久嘆
息壯觀平生見未曾須臾靈瞳忽開劃俯仰天宇
何泓澄神功歛却蟄水府變化歛歛誰能徵或潛

或躍不可羨區區劉累真無能君不見宮沼之畜
但蛭蟻賦形雖肖何足稱

卿雲占日字藝文月課

重華千載縵縵歌音響已曠誰能述靈臺祥氛亦
云遠慶貺方知不世出叔季祥瑞何其多雲烟霏
動皆為雷瓦離卓詭真可笑紀載謾污青史筆歌
歎我后膺嵩錄就之如雲望如日貞符歲歲不絕
書朝野目擊所詳悉義御赫赫當中天從龍有物
如練匹復更五色忽輪囷翼戴賜烏不相失非烟
非雲聳前聞異景欵歎那容詰吾聞以和而召和

正在聖君與賢弼至治之極協氣應循名可以責
其實方今聖德邁舜文靈瑞之臻同一律鳳鳥龍
馬當絀至庶幾條理清廟瑟雖然無怠復無荒小
臣思欲箴宣室

草龍帳百陽雜俎具立之南有蒲萄谷天寶

之長高數仞陰地幅員十丈仰觀若帷蓋

枯蔓春回美蔭濃桑門帳幕迥臨空翠森翠蓋飄
香霧磊落驪珠襯睡龍深夜似迎蕃使宴清齋堪
着法王供漢家天子無機巧却得虛栽滿別宮
具丘枯蔓忽惹龍碧眼胡僧竊化工佳實擗頭垂

寶珞紫莖帳底走驪龍不惟浚日宜遮雨無得嗟
烟又擺風疑是群仙棲集地青幢翠帔夜相逢

送金經歷軺赴江原道

幕賓非左宦山水窟中遊暇日謝公履西風曾叟
捋雲濤翻飲興烟樹暗離憂聞說丹書洞幽蹤不
可求

送無善護送日本源教直使者

東平館裏遠使發漢江渡口櫓如擗津送須煩揚
次公長亭所以子馳駒咸寧古縣淳朴村椿樹萱
花逗春日路人爭看老萊衣鄉里追呼聚甥姪鷄

逸宜繪綵之漫喪冕旒十二網蠶蟲兮河目海口
塵雖難兮赤白阨剝苔蝕山龍兮蝸涎畫字暈于
衣裳兮塊四聖與十哲亦東西之相望或冠倒而
笏墮或眸睜而指止縱後世之繕塗猶癢脈與癢
瘡匪聖靈之宜宅慨廟貌之不減雖蓬豆之潔蠲
恐鬼物之旁窺昔夫子之周流志不陋夫九夷我
東海之文明曾仁賢之所治苟尊崇之有道應夫
予之來綏况夫子之精神譬如水之在地中求之
則在道之斯通何必覩形像而裡祀翼胙饗之昭
融範黃金猶不可為而又土木之是肖始作備之

無稽豈不至今其可謂喟 聖神之履運煥類制
之復古安木主以釋菜用以彰夫昭報光聖德於
不顯體姬室之規模何必重夫改作尚因襲乎前
圖評曰南山何有侯栗纂纂兮培陽擁陰風露流
津兮剖而作主肌理均兮用周人栗可以妥夫子
之神兮亟撤土塑返黃祗兮毋令魑魅有憑依兮
明告君子余言不欺兮聖人復起謂余有知兮

答晉山君書

日者伏蒙相公降屈盛德辱教渾賤疑其悼天札
慮家患而遂進退之大節二衰三殤之說炳然一

儀制也春暉風樹之喻愴然一孝經也以宗直之
孤陋寒淺動止狼狽而得大君子慰藉開誘之方
不一而足欲使之制情合禮不失事體噫微相公
宗直幾為慈之天所蔽而不能自明於流俗矣雖
然宗直之所以冒昧辭官者夫豈徒哉宗直自筮
仕以來幾二十年氣質之偏無所諧偶簪紳雖絆
于身而麋鹿之性恒在丘壑佳山秀水心想神遊
旅進旅退之際每鬱鬱不樂也頃以母老乞歸朝
廷以宗直猥侍經幄不可遽置散地故苟以一郡
榮之既涉漢江而南也將不復渡斯水而入國門

畢齋文集卷之一
幸遭清明之代不當如是決去然揣分量材固其
宜也及夫文龜之後迎致老母養之以一邑心頗
安焉 聖恩如天輒思報效凡政教有可以裨
補王化者則無不力為之第恨其大綱雖正而節
自疎漏民不習服耳其於簿書期會亦且戒飭小
吏毋令稽滯雖若督郵者撻撻而至亦束帶逢迎
殊不以為愧如此在筭四閱寒暑矣衰門多釁凶
禍荐臻今年春夏連失一男一女歸瘞于金陵及
秋又失長子而又瘞于金陵金陵之地數月之
中纍纍然忽成叢塚矣傷夫茲患者間十歲二十

烈文英武殿下以神聖之資撫享嘉之運
禮制樂作民物熙洽而且厲精為治日不
暇給憂勤所積節宣有違粵體湯盤之浴
魚講岳狩之儀迺於八月二十有七日禱
法駕南巡忠清道駐蹕于溫陽之湯泉祓
浴而榮衛乃和省斂而貪婪自服慶威無
與於喜怒罔圉盡滌於瑕疵清明之政頃
更四達遂以九月之十有六日旋輶于京
都人士女率伸嬰慕之懷歡愉歌頌騰於
道路雖黃帝具茨之遊神禹塗山之返不

足與擬也臣等俱以狂簡沐浴皇化屬觀
銜輅之過故敢後稱揚於盛矣謹拜手稽

首而獻詔曰

赫赫帝眷我右膺之茫茫海域我后澄之品彙既
昭大命其凝思保小民燠寒飽饑興滯補弊一日
萬幾積勤宵旰天和稍違臣鄰有請聿率靈泉時
惟秋仲風緒靜便萬寶告成町疇相因兢兢徒御
靡驚靡鱗一眾之微孰賦於民有干于禁縱更求
媚爰伏其辜以警任位又疏寬典滄滌瑕垢威若
風霜息同父母南民呼舞始覺玉度泃泃暖溜后

媪所護玉體纔投微疴永脫調攝累旬非為遊逸
都人遑遑如飢如渴瞻望歌吟后来曷日鳶旗北
指倏已菊月六駮以副星暉其重百寮如雲蔚然
景從于郊于垆鼓吹雷轟于城于闕協氣縱橫凡
為赤子孰啻歡聲矧伊臣輩竊吹虞庠仰觀天表
金玉其相奮肆矧媮謠于康莊庶幾無疾萬年敬
天桑海雖變盤石益堅本友百世瓜瓞綿綿

又中宮老人歌謠

耆老臣其等伏觀魚軒隨玉輦罷澡雪於
靈源鳩杖里絲雲奮飲飲於綺陌空蔥巴

對
封

但第效筆對云其詞曰

碧石泉頭駐六飛
鷺儀還副袞龍
故懼騰近甸車
如水祥擁長秋月
有輝鶴駭巾衫
爭俯僂鯉岑雨
露自霏微蟠桃千載
花重結願替雲謠
頌桂闈
同可及菊兄和仲不
器漁子箭串食鱸是
夜宿

小洲

似聞東海已輪
竿撥棹招潮忽在
傍煦沫祇教生
酒興橫戈不信
證蝦荒斫鱗玉片
還隨箸破腹金
穰自滿匡見說入
糟風味絕夜深堪
伴緯蕭郎

李提學冰母挽章代作

申申令問合華宗
圖史殫繁更肅
雍琴瑟幾年家
道睦鴈鳩一德
母慈隆菱花塵點
但匱具翁仲雲
深空芥封雙璧
吾曾投契不
舍酸相挽豈雷同

佔畢齋集卷之二

東城雀擬太白樂府

日出東城隈佳賓滿野草相隨黃口兒飛飛啄禾
稻那知金母使枉為彈射倒世無巾箱息舍環向
誰報

重陽無菊

青女橫陳葉脫柯墻頭黃菊尚綻花也知閑日是
重九其柰貧居無酒何

甲申秋吾友仲平以書狀二片與伯寅在蘇
京談箕都雲雨之思用瀉爵陶仲平首為

詩戲伯寅伯寅至七家嶺乃和直以蒼松
歲寒之節擬其所思遂來子休涇水之讖
甚可笑也仲平於明年秋以都事赴咸吉
道監司康相孝文幕臨行示余其詩余次
韻作四首二以贈仲平一以示伯寅末篇
以寄景胤景胤今在鏡城節度使許相琮
幕府云仲平曾克治伯寅權慄子休蔡申
保景胤張末孫

西都離別若為情萬里驅車入帝城說着伯寅真
自道分司襟韻不多清

月滿關山萬古情知君隨意酌蒲城龍沙久被崇
陰化聞說弦歌到處清

風流內翰賸鍾情淚水貞松滿一城最恨祖龍聲
教窄三巴徒自築懷清

伯寅時以翰林從其父朝明

金甲貂裘遊子情蕭蕭落木響邊城詩書從事詩
書將喜見妖氛塞外清

廣城君李參判克堪挽章四首代任參判元
濬作

英材磊磊早超群玉貝金章擯閣勲厭世如今覺
大夢頽回應不獨修文

萬石君家擅一時五枝仙桂一枝萎倚廬素鞵依
然在落日鴛原無限悲系判丁父憂而歿

同年同祿又同鄰道德功名獨絕倫二豎共嬰吾

幸免方知壽夭不關人同年同祿呂才語廣城與任參判同甲又同月

是時同遭疾李歿任瘞

廣陵城外中原路江水湛湛上有楓淚盡眼枯人
不見空將夢些寄西風

十月十一日康兄與姊氏寄金觀察使之慶妻

氏之舟還善山宿豆毛浦有雨

十月連江雨昏昏霧氣低楓根黃帽語蓬底小兒

帝百里龍門石殘更水檻鷄他年藝須處共說此
分携

誠之母氏挽章

市交始作備同門乃相隙古來保金蘭什一於千
百升堂拜蒙母懷哉手加額夫人有令子我與同
桂籍平生推分好庶幾追古昔接武院中槐聯裾
臺上栢徃徃造其門談笑真莫逆夫人在北堂知
有同襟客侍婢具盃觴珍羞不待索舍飴撫兒孫
繩我蒙可擊士行苦留賓孟母知所擇何修而得
此內省仍感激嚴風吹芳菊日向西山薄未助曾

閔志高義虛棄擲迨遣廣陵一原嗚呼嵩里隔誦詩
只相挽餘酸徹腸臍

代魚子敬寄遠

其名笑百金

曾向關西落魄吟
鴛鴦機畔破煩襟
知君難作秋胡婦
一笑真堪賭百金
羅袖餘香尚未殘
片心長繞淇江干
何時更結團圓夢
拈出懷中半鏡看

登金剛者日出

金剛之山高插天
白石亭亭露秋骨
搏桑遠影暗
句引日觀孤標共
崑崙我昔討奇寰
絕頂三關雲

關敲石室滄溟眼
底小如杯八極風
來神橫逸同
遊老僧倚壁睡
夜半蹠客候初日
北方沆瀣澄似
酒天外鷄鳴聞
彷彿是時暘谷半
明暗卧牛車蓋
爭點綴長庚睽睽
欲收芒火輪忽輾
波濤出紅光
騰起數十丈
萬里驚盪魚龍窟
人寰臯息尚雷鳴
輒向峯頭晞我髮
平生偉觀此已足
岱宗之遊豈
相傍不須崦嵫看
入處至今冷笑夸
父渴

和鄭輔德

自英

韵代

金大司成永濡輔德以
講易拜堂上官

先生機智探先天
雕龍炙輠堪齊肩
長風正駕截
海編矯首遠古疏
靈淵麾斤早已辨
標斫食蜜更

覺話中邊肯紫盤錯追前賢有如破的看參連義
經十翼書百篇自致束帛來幾幾天墀縱步逼星
躔何必顧慈桑麻田相馬不究驪黃馭後生成仰
臯與歎稽古之力豈偶然露門咫尺長編鑿鑿余
泮水幸攀緣禮隔何以摠幽情續搗薑挂情倦倦
愧比寶石聞其碩

跋無善南行錄

醉裏湖山入眼中
雕題沮齒挹高風
霏霏寶壺
殘濕自有詩名滿日東

十日詠梅二首

井底潛陽七日回
一元消息透寒梅
天心昭灼盈
枝動春信丰茸滿意開
香影微微侵
斐几精神故
故蘸金杯從茲細
翫生理只恨曾無演易才
三重緹室動
慶仄縱有寒威未
勒梅忽覺宿枝盈
蒼蕾即知生意破
胚胎膽執玄酒神相照
烏几遺
經手自開早晚翠
衣來報信
參橫月落好銜杯

送金監察續如明

讀書平日談千載
提槩將遊文物海
驅馳王事敢
懷安忼慨
辭情動
寮案君車
輓輓過
漁陽我夢亦
落盧溝傍
黃金臺上
共長嘯
戰國尚有燕昭王

哭金中樞新民

落落衣冠曾金魚已十秋才名非潦倒談笑故風
流共嘆桑榆暮俄驚杖履休令男同桂榜淚洒土
饅頭

十二月二十七日夜雨呈兼善

人事且如何天心元不頗窮冬陽氣洩深夜雨聲
多斲盡山雪融生太液波條風朝夕至未害發
萌芽

雪後射虎

西山林麓何蒙密有虎擇肉來為穴白日耽耽恣

拳攫牛羊罷牧樵蘇絕將軍除暴志自猛短後之
衣屏斧鉞挺身盤馬躡叢薄新蹄如挽印積雪手
撚白羽遙叱叱塌髦垂頭氣已糞將軍為虎虎為
鼠吼裂冰崖濺殷血鉅牙鈎爪無所施父老來慶
童稚悅舁故城郭獻公所金帛絲絡隨旌節人間
勇毅得寧馨豈有天驕敢奔軼當時未免騰傷患
漢將如飛不堪說

同前

將軍服猛格暴以為勇欲掃龍荒大羊窟平生技
養掣不得時屬大平無處洩西山聞有白額候據

食民畜人感頰唾手瞑日期盡殫是時巖壑初罷
雪紫駟蹠踏叢薄間虎使人立當其穴須臾勁箭
洞心腹劃若破的真一瞥斑斕死睢空支撐雪上
草木皆為血從騎相顏色如藍村中耄艾爭填咽
北平大守斯下風鳥下接號不足說人間壯士有
如此門戶當看豎旌節

茂溪李靈山紉別業小憇次板上韻授其僕

呈靈山靈山是日渡江遊花園

靈鷲知君意甚真十年甘作閉關人須將一片江
湖夢乞與紅蓮幕裏賓

忘機何苦慕仙真鷓鴣今者不避人惆悵駟蹄遲
一刻清談未作倚欄賓

初入慶州

東都醉擁火城來馬上春風已落梅大將牙旗旒
似霧蒼蒼邦喬木葉為苔亭臺蕪沒千年鑑絲竹轟
虺四座雷且莫乞靈強首廟山河盡是我詩材

二月初九日東都夜雪呈楊通判石堅

由達孚尹透疎簾却笑玄冥苦不廣姑射有仙魂
自斷兔園無客筆誰拈故應潤色添梅格也合輕
明糝蜜話二月東都花正發餘威安得大勾尖

奉別李僉知宗倫

故人牛馬走感戴意何深
昨聽驪駒曲春風攬別心

用明遠樓詩韵寄永川新郡守崔公顥崔公時未到任

春坊學士今為州醉筆曾題黃鶴樓
我來偶值未下車但看竹馬盈街頭
郡人爭問新使君曠致雅懷無比
流晴川芳草興自逸何日共繼前賢遊
元戎新向辰韓回幕客到處愁懷開
臨臯館聞山水好春色遙隨旌旆來
閑窗小雨蘼蕪渚醉把高

樓鸚鵡杯更待使君吟畫戟欄干終日共徘徊

東都寒食

馬隸牛醫有子孫竹枝處處紙錢翻
羅王陵墓無芻狗只見春蕪覆燒痕

登靈妙浮岳

雲梯回上最高層莫恨慈恩見未曾
手接飛鳧堪摘斗身穿暗壁欲縻繩
愁烟曖曖迷三鳥落日亭亭淡五陵
回首一千年社稷鐘聲只自撼觚稜

從節度使獵於石堡

海上山林獸可蒐元戎小隊曉鳴驕
烟蕪蒼蒼方

巖口雪浪春撞石僅頭三面網羅驅赤吏兩行鼓
角動陽侯長圍繞罷揮金枕誰記酸寒舊日遊

慎公承善為壯亢郎拜吏曹參判承 傳旨

榮外舅臨羸大君子東萊溫井時余從節度
使往候慎公出詩軸求和遂次希禹淡叟韻

塞命

餘子當年讓一頭城南尺五俯清流蛟龍奮起方
因雨鷹隼橫飛正得秋醞籍風儀故物論尖新詞
藻煥皇猷幾人共仰鑪錘手會見華名在覆甌
英村直望許誰親有眼爭知瑞世麟臺省少年渾

着脚鼎台今日欵通神錦標歷倒朝端士紫綬驚
嗟海裔人礪石泉頭榮舅氏自多樽酒挹芳塵

次柳御史 孝潭 韻贈楊通判 石堅 時通判以
殿罷

莫向罇前撫怨琴東都且可看花吟袖中庖刃今
雖脫父老爭來歌德音

姜判事子平男謹婚于孫生負睦宗宅余赴
暖寢宴於席上令謹作春望詩即成余跋其
尾示孫公

屏間孔雀君能中絕藝今看春望詩正是梨花好

時節永清玉潤兩相宜

瞻星臺

半月城邊嵐霧開
亭亭石塔迎人來
新羅舊物山獨在
不意更有瞻星臺
璣衡齊政舜禹事
制作無稽安用哉
敢將神器付晨牝
千古真平為禍胎

次醴泉北樓韵時點新定翼衛兵送京留數

日

開盡玫瑰滯南州
綠池青嶂况高樓
點行衛士送新部
索英佳兒伴醉遊
蘇醒夢人山雨過
護持魚子水衣浮
塵埃半日偷閑處
快意何須萬戶留

桑麻榆柳蕩平川
卧看襄陽半壁天
身是碧油幢下客
登樓懷抱更悠然

鳴鳩乳燕弄新晴
斜日空樑蟬螭明
莫向雞窠唱三疊
襄陽絲管已多情

次李靈山紬詩軸李時在茂溪別業

斷岸平湖草閣深
不圖真趣在當今
室人爭席知無我
漁父拏舟聽話心
荷鋪藥畦泉響落
移罇鳧渚樹陰侵
月明也有疑懷處
別鶴幽蘭入素琴
自笑當年印半通
廣平風月與誰同
山翁溪女尋常覓
看得到蕭蕭蘆葦中

梁山龍堂

世宗朝黃龍見于此祭必降香

野外神龍樹竹居數間茅屋是齋廬
秩齊四瀆靈無比功在三龍報不虛
滿洞腥雲來冪冪渾江怪雨響踈踈
我行正值黃梅節未見琴高跨鯉魚

即事呈子固

金細

東郊日日飲無何往事微茫付逝波
三箇撲頭驚疾鷁一張焦尾譜新歌
亭袍如雪便歌枕紗帽含風好喫茶
塵世幾多蝸角戰玉京聞放拔英科

時詩文臣取四十一人賜號拔英試賜紅牌遊街加資一依重試

金東萊

漢珠

詩軸次徐相居正

海邊杭稻化蒿萊荒徼陰雲久已開
墨綬公將旌節鎮斑衣人蛻介鱗來
幙中干楯俱飛衛樓上琴箏盡善才
束却素書何處用只饒小次浪崔崑
咲把銅魚鎮海門清時無處立奇勳
湖山百里堪為政書劔平生欲致君
花滿橘洲烟藹藹珠還龍戶月紛紛
放衙莫向黃紬被四善佳聲只在勤

東萊縣温井

巖巖金井山下有硫黃水千載沸如蒸
可以熟鷄子誰供薪爨用莫測神所使
我來久嘆息塵垢聊一洗羅王銅柱痕
猶在石甃裏當時被寵遇何異

驪山址今馬海一角巡幸非容易太守勿修繕只
恐勞民耳丙戌秋中外傳言將幸此地

溫泉雨中望西山瀑布

海上終風挾雨驕蓬山平地欲樓蛟却將南畝傷
農眼闕望西巖瀑一條

慶州孝昭王墓

一箇饅頭草樹荒邑人猶記孝昭王九泉鳧鴈今
安在唯有賴夫飯石床

過玉門谷一名女根山事在三國史

淺谷何能伏敵兵玉門子載謾為名居民爭說知

幾事空使元戎枉道行為百濟王將死後來將帥
上任皆忌之不由此路

次勢遠韵叙子固別

神允塔上倒金危平楚牛羊落日時却羨五陵雙
石毀不曾會合不曾離

新寧別館戲子固平仲六言

錦衾搖成皺浪粉汗凝作香酥雲雨歡情方洽午
窓相對胡盧

宿新寧別館夜雨賦溪聲

夢裏分明話羽流不知急雨捲山丘青囊擬受神
仙籙半夜風雷吼枕頭

安東鄭通判懷雅秩滿如京次成敬差官裕
躍馬將故北斗城攀轅父老泣吞聲他年刺史鈴
齋裏應對算篋說盛名

安東別室觀先君詩奉次

先君詩云塵埃不接日還晶况復無邪夜
氣清得趣小軒發深省春溪雨過沒絃聲
癸酉春為東堂鄉試考官與叅原守南軼
真實守宋允智同賦

宵中列宿十分晶嚴訓唯知服至清今日偶來深
省地不堪揮淚聽溪聲

映湖樓次韵樓有高麗恭愍王三大字

落日簾旌灑氣多倚樓愁思亂交加
遙迤湖水秋通漢轂轉柴車夜向家
光射汀洲星斗額香生林薄蕙蘭花
月明更想前朝事唯有鷺鷥叫斷槎

泛舟復用前韵

樓下澄江秋水多
梳竿風力晚來加
偷閑欲納叉魚什
乘興須尋賣酒家
蕩槳輕輕搖
撻燭吹簫緩
緩入蘆花夜深露
重冠巾冷恐跨河邊
貫月槎從節度使
謁集慶殿御容

司空羅代俊聖祖乃其胤積累甚悠遠
流長源必

濬屬當五百運海隅爛兵刃風雲依八駿馳突無
堅陣金尺理群狂謳歌皆故舜鴻苗已開創龍澤
忽普潤千秋萬歲後遺像此來鎮此邦實有邵佳
氣對儲物對越佑社稷四方正無覺我來寒杲思
仰瞻嵩岱峻繡闥映海色彤連喧鼓轉維城感祖
烈長跪笏再摺禮罷出殿門鯨波看帖順

玉笛次李漢城石亭

辰韓疆宇方開拓朝廷禮樂稍制作利見臺下海
無波何人所却神山竹野史孟浪不足信忽此摩
挲盈尺玉一捻聲聲徹寡廓曲中猶帶梅花落當

時誰道不如肉應伴阿嬌貯金屋漂流千載偶然
存世間但訝為神物謁來失手欲變化緘滕着骨
何曾缺興亡壽夭豈可詰強推物理真自拙伶人
為我莫更吹却恐四筵驚感發

答承文院諸公

余在院時作乞酒債詩云奔走東華歲易
流黃花赤葉滿城秋吟官無計酬佳節空
看樓塵暈玉舟諸公因希禹行寫茲詩寄
余余笑次云

自笑當年叅士流泛蓬南裔已徂秋通間人道麤

夢甚射雉故來理釣舟

禁中學士鳳鸞流未奉清歡又一秋
豈意惡詩煩齒錄他年相笑李膺舟

次希禹

紅燭清罇話巖陽明朝世事兩茫茫
天涯離別休相念異日同含鷄舌香

醴泉東軒和茂松君韻

挾策當年惜分陰宵中只有去來今
已將壯志投蓮府難把清遊緇竹林
雲岫自無詩思遠酒盃剩與世情深
襄陽幸忝登龍客粉面行間一朗吟

安東射廳和李漢城石亭

嶺海年來爛熳遊永嘉池館擅南州
管絃聲裏彈飛矢棊戟行邊縱遠眸
酒醞寒威真不力詩圓清興浩難收
流連每到棲鷗夕非為青蛾一笑留

對山食蟬忽憶去歲箭串之興有作

訓狐聲裏宿中洲乘醉談鋒曉未休
今日草泥無勝客樽前幸值內黃候

雨中從節度使自義城向醴泉雨甚八安東宿

今年小至雨翻江萬壑千巖水擊撞
瀕信瓦衣無

所苦福州城裏駐油幢

醴泉故毛峴獵虎山中杜鵑花盛開

搖搖旌旆拂雲霞碎掌摧珽興轉多怪殺深山南
至日三軍皆插杜鵑花

都要渚 在金海密陽境上居民數百餘戶世
以取魚為生不業農婦女有漁者
其室載舟中泛江以黜之

東鄰有女西鄰嫁南舫魚菜北舫分一片江孺生
事窄子孫終不夢耕耘

贈楊檢閱守泗字學源時以日本使護送到
對山將榮親于金山

滄海南頭楊次公異人爭看百夫雄風流繞播平
康里華問先騰日本東行橐詩因親友重壽觴酒
為聖恩濃須知蓬萊光榮洽正要雲飛招野龍

次公宋朝楊傑字傑受命館伴高麗僧義
天遊三異故以比學源

揚檢閱還次李次公洪無善

邂逅京華使聞修五鳳樓那知滄海上并屋打人
頭

兔毛寄無善

縛得中山衣褐夫殷勤寄與董江都春坊知有蒙
恬手也合尖頭喚作奴尤文選賦云真醇董江都

丙戌十二月二十二日立春

鵬雪不在地條風來海濱
鶯枝猶故楚天意已新
春俚俗喧東作侯門闐
五辛絲幡思未及堪羨
退朝人

佔畢齋集卷之三

正月初五日安康縣東山罷獵

時有虎食人頗多

長園簇簇繞重巒落日頽雲卷
旆還未把忘故窠
白額忽驚回祿絳玄顏孤兒窶
婦饑將報偃月長
地勢自閑莫謂書生無用處
壯心終欲服侯姍

安康縣人日

安康縣裏逢人日細雨垂楊欲
斷腸拋却窠囊更

羞澁故園飛地政荒涼

書守山會軸

守山密陽領縣也有澤二百餘頃相傳云

高麗金方慶征倭時所築以灌營田天順
七年癸未戶曹獻議決其堤為國農所歲
為江水所浸其收頗少丁亥春二相曹錫
文奉旨巡視增築其堤仍開閘堤內外種
山竹及楊柳副使則刑曹察判鄭蘭宗從
事官則訓鍊僉正權徒戶曹正郎金順命
也密陽府使尹壕金海府使慶由淳大丘
府使金允潤梁山郡守柳伯孫昌原府使
閔奎清道郡守尹堤昌寧縣監李續玄風
縣監黃事兄靈山縣監申允允等各領其

邑軍夫來等部事成倣與金順命實監其
役十日而畢右諸子作契名之曰守山會
請余題其軸

守山澤裏共辛勤舊堰新堤擬汝墳十里町畦真
似繡千夫畚鍤開如雲樂回抵掌論奇計時復掩
燈討古文他日玉京相笑處也應此會極云云
次諫院諸公韻代節度使

今符嶺表忝元戎清夢常馳魏闕中誰似紫微花
下客春風不怕酒尊空

二年南裔看梅花謾說江山似永嘉藥省柳營風

味隔誰言羔酒勝煎茶

權司經李禧寄詩二首過於推許弗敢當次

韵還寄

退食春坊醉據鞍風標想望切雲冠遠勞問訊

紅蓮幕還愧人非元曾山

玉堂金馬迹還空遠戍滄溟東復東回首蓬瀛才
咫尺不須訪道向崆峒

踏青歌

轅門春色濃如酒細草茸茸遠海口元戎修楔集
賓佐正是落花寒食後雕鞍駿馬飭魚津踏青盡

日歌狸首坐中决拾更有誰益浦將軍高爵守是
時風恬海不動兩兩搖舟見蜃叟鯨魚蛤蜊滿笊
箸南烹便飲還思嘔時催紅袖舞回風擺撼况有
興奴手醉中諧笑沸海底紫鳳飛翥鼉鼉吼人生
字內真蘧廬朝為少年夕老醜青春且可窮歡娛
何用辛勤啗三白况逢太平邊事少幕中嘿嘿顏
不厚不如傾海添金罇塵土膏懷堪抖擻

長峴下人家在蔚山西三十餘里

籬外紅樅竹數科寥寥雨脚間飛花老翁荷耒兒
騎犢子義詩中西崦家

雲山驛道中

雲山驛畔欲斜陽，澗底幽花擁馬香。
野雉挾春媒自應隔林遙，見艾如張。

真實縣梨花

夜入真安雨滿簑，松明炬暗燭灰多。
開窓忽覺簾攏晃，數樹墻梨幻若華。

天問若華何光

過禮安有懷禹諫議倬

嚴運涵儲五百年，不圖衰叔有斯賢。
彤庭持斧真唐介，白屋窮經似鄭玄。
鄉里幾人懷素節，子孫今日稅荒田。
嗟余早負希顏志，獨拂儒紳一張然。

利見臺觀海

洪濤瀉瀉浸方輿，奮椎含靈自叅初。
望眼乍窮疑黑齒，翔陽欲跌恐歸墟。
雲開如見鷗鵬轉，風迅遙驚橐籥嗟。
一葉漁舟因掀舞者來，祇自愛吾廬。

東都樂府

會燕曲

儒理王九年，定六部號中，分為二使。
王女二人，各率部內女子分朋，自七月望，每日早集，大部之庭，績麻乙夜而罷，至八月望，考其功之多少，負者置酒食以謝勝者於

是歌百戲皆作謂之嘉俳是時負家一
女子起舞嘆曰會蘓會蘓其音哀雅後人
因其聲作歌名會蘓曲

會蘓曲會蘓曲西風吹廣庭明月滿華屋玉姬歷
坐理繅車六部女兒多如簇爾筵既盈我筐空醺
酒擲揄笑相譖一婦嘆千室勸坐令四方勤杼軸
嘉俳縱失閨中儀猶勝跋河爭嗚嗚

憂息曲

實聖王元年以柰勿王子末斯欣質於倭
十一年又以末斯欣兄卜好質於高勾麗

及訥祗王即位思見二弟欲得辨士往迎
之衆舉軟良郡太守朴堤上堤上受命入
高勾麗既以上好還又浮海到倭國給倭
王潛使末斯欣還王驚喜命六部遠迎之
及見握手相泣會兄弟置酒極歡王自作
歌以宣其志俗謂之憂息曲

常棣華隨風落扶桑扶桑萬里鯨鯢浪縱有音書
誰得將常棣華隨風返雞林雞林春色擁雙闕友
于歡情如許深

鷄迷嶺

朴堤上自高勾藤還不見妻子而徑向倭國其妻追至栗浦見其夫已在船上呼之大哭堤上但揺手而去堤上死後其妻不勝其慕率三娘子上鷓述嶺望倭國慟哭而死因為鷓述嶺神母焉

鷓述嶺頭望日本粘天鯨海無涯岸良人去時但揺手生歟死歟音耗斷音耗斷長別離死生寧有相見時呼天便化武昌石烈氣千載千空碧

怛怛歌

照知五十年王遊天泉亭有老翁自池中

出獻書外面題云開見二人死不開一人死王曰與其二人死莫若不開但一人死耳日官云二人者庶民也一人者王也王惧拆而見之書中云射琴匣王入宮見琴匣倚壁射之而倒乃內殿焚修僧也王妃引與通因謀弑王也於是王妃伏誅自後國俗每正月上辰上亥上子上午忌百事不敢動作目之為怛怛日必以四日者其時適有烏鼠豕之怪令騎士追之因遇龍也又以十六日為烏忌之日以粘飯祭之

但但復初初大家幾不保流蕪帳裏玄鶴倒揚且
之誓難偕老初但初但神物不告知奈何神物告
兮基喆大

天官寺云云

陽山歌

金歆運柰勿王八世孫小遊花郎文努之
門永徽六年太宗武烈王以歆運為郎幢
大監伐百濟營陽山下百濟人覺之乘夜
疾馳黎明緣壘而入我軍驚亂飛矢雨集
歆運橫馬待敵從者握轡勸還歆運拔劍

擊之遂與大監穢破少監狀得赴賊闔格
殺數人而死步騎幢主實用那聞歆運死
嘆曰彼骨貴勢榮猶守節以死况實用那
生無益死無損乎遂赴敵而死時人作陽
山歌以傷之

敵國為封豕存食我邊疆赴赴花郎徒報國心靡
遑荷戈訣妻子嗽泉咬糗糗賊人夜剽壘教魂飛
鈞鏗回首陽山雲轟轟虹蜺先哀哉四丈夫終是
北方強千秋為鬼雄相與歆椒漿

確樂

百結先生失其姓名居狼山下家極貧衣
百結若懸鶉故以名之嘗慕榮啓期之為
人以琴自隨凡喜怒哀歡不平之事皆以
琴宣之歲將暮隣里眷粟其妻聞杵聲曰
人皆有粟我獨無何以卒歲先生仰天嘆
曰夫死生有命富貴在天其來也不可非
其往也不可追汝何傷乎吾為汝作杵聲
以慰之乃鼓琴作杵聲世傳為石樂

東家砧砧黍稻西家杵搗寒襖東家西家砧杵聲
卒歲之資贏復贏儂家富之觀石儂家籍無尺帛

懸鶉衣兮藜羹菽菜期之樂足飽煖糟妻糟妻莫
謾憂富貴在天那可求曲肱而寢有至味梁鴻孟
光真好吏

黃昌郎

黃昌郎不知何代人諺相傳八歲童子為
新羅王謀釋憾於百濟往百濟市以鈞舞
市入觀者如堵墻百濟王聞之召入宮令
舞昌郎於座搃王殺之後世作假面以像
之與處容舞並陳考之史傳絕無左驗雙
梅堂云非清郎乃官昌之訛也作辨以辨

之然亦臆說不可信今觀其舞周旋顧盼
變轉倏忽至今凜凜猶有生氣且有其節
而無其詞故并賦云

若有人兮繞離離身未三尺何雄驍平生汪錡我
所師為國辱耻心無懼劍鐔擬頭股不戰劍鏑指
心目不搖功成脫然罷舞去挾山北海猶可楚

嶺南樓下泛舟

檻外澄江百頃雲盡船橫渡鰲生紋晚來半醉
高看兩岸青山更十分

雨中呈府使五月初四日

嶺外黃梅雨霏霏墊角巾溪潭秧自綠泥濘馬初
馴歲月省蚕簇兒童縛艾人未能趁偃室空有膽
輪囷

府使見和復次

我來觀政化擬欲謝簪巾稻壠無牛喘桑疇有雉
馴時逢荷未隻却愧泛蓮人問訊朝朝至洪恩感
指囷

譙樓晴後

薄暮靈囂卷刁刁船蕩風茄吟戍樓上月湧滄溟
中兵子語俱熟麴生神更雄邊籌政無用長嘯

驛弓

沒青松讚慶樓

樹抄華楹返照邊雲間高興把杯前川回巖却千
尋磴山擁偷他一片天沙麓禎符真可紀掩源物
色絕堪憐擡頭笑向樓霞客果許從來未必仙

舍方知

舍方知者私賤也自幼其母為女兒服傳
胎粉學剪髮及長頗出入朝士家多與女
侍通士人金九石妻李氏判院事純之之
女也寡居引舍方知託以縫衣晝夜與處

幾十餘年天順七年春司憲府聞而鞠之
建訊其素所通一尼尼曰陽道甚壯令女
警班德捫摸之果然也 上令承政院及
永順君溥河城尉鄭顯祖等雜驗之河城
之妹為李氏媳婦河城亦吐舌曰何其壯
也 上笑之特令勿推曰恐污巖純之之
家門也將舍方知與純之區處純之只杖
十餘送于畿內奴子家既而李氏潛召舍
方知還純之卒後尤縱恣不已今年春宰
樞因燕語白之 上杖配舍方知于新昌

縣余聞之賦二首云

絳羅深處幾潛身脫却裙釵便露真造物後來容
變幻世間還有二儀人

男女何煩問座婆妖狐穴地敗人家街頭喧誦河
間傳閨裡悲歌揚白華

鸚鵡

琉球王遣使獻鸚鵡一隻見之於東都有

作

珍禽隻影到東陲幾伴橋烏日夜馳嗚咽祇應悲
故土媿更還欲學癡姬翠衿自惜菱花照紺趾難

解玉鎖縻爭似九苞丹穴鳳不言猶瑞太平時

河陽客舍寄永川使君

雲駛風清夜抵年河陽孤館稍無眠情人不學些
兒缺到曉方能故故圓

鄭通贊園池二詠次仲兄

釣臺

除却溪翁來往稀羊裘誰把換朝衣園林剩有江
湖興明月清風滿石磯

萬年松

池間孤嶼托根生日夕幽人共聚精縱是賦材非

落落虬枝便有萬年情

密陽府使與教授官清道郡守省峴察訪遊
榆川驛下招之未赴馬上寄呈

榆川荒日暮鵲岬宿雲收衆水滔滔下群魚潏潏
游簪纓且高會草樹又初秋辜負濠梁飲誰知馬
上憂

佛國寺與世蕃話

為訪招堤境松間紫翠重青山半邊雨落日上方
鐘語與居僧較杯隨古意濃顏然一榻上相對髮
鬢鬢

大和樓與世蕃同賦

黃龍洲上蜃為樓神鶴城頭樹已秋肅詠自慚叨
盛府登臨聊喜托名流濛濛晚靄迷魚市咽咽寒
潮落蚌洲不向壁間揮醉墨誰知跌宕二年遊
宿盈德西門樓用花山君韻

夜宿華譙上穹穹簷月明香銷薤葦冷風透葛衣
清嶽色供秋氣灘聲浣世情恣恣點兵去有愧幕
中評

迎日縣倚雲亭點兵

弓漢城頭鼓角驚無人彈劍請長纓閭閻感頗事

相指白面書生又點兵

醴泉與節度使點兵七月

朔方有逆豎盜弄官家兵幻出尺紙書列牧俱指
生妖狐穴九地赤手誰敢櫻乘間自跳跟白日烟
塵腥官軍頓哈蘭月篇已再更宗英請濟師傳還
如流星此方亦被徵田里盡輟耕奔孃及妻子攔
道寬號聲健士尚疾首羸者胡得寧爭言磨天嶺
化作長平坑生還未可卜况望奇功成不願簡書
嚴百計竄其名傳毒腫手足瞪目稱雀盲鬢髮者
飛蓬呻吟聲沸羹蘆條與戚施雜還盈長亭鑑別

在元戎或得擒其情驅之渡大灘隴突猶狂醒我
時忝幕府扼腕心怛怛朝廷養兵卒綬急欲使令
此輩苟樂應庶可掃撓槍柰何一簽談嗷嗷不肯
行良由力難任非但狃昇平羊群雖擇壯寧與虎
豹爭小賊不足慮大敵誠可驚天門萬里遠有懷
徒自鳴

寧海府懷牧隱三首

牧隱宅基在府東二里許公之初度康也公嘗

葉無價亭子宅後小麓遺址存焉

無價亭中和氏璞觀魚臺下北溟鯤自從擺袖遊
燕薊雲夢區區不足吞

滄海東頭不識儒
千年間氣只塊蘇
先生一出為人瑞
從此丹陽草木枯
師友淵源絕後前
青丘人物盡陶甄
如今謾過軒渠地
恨不同時一執鞭

八月十五日陪節度使遊立巖

立巖在蔚山西北二十里許水自載岳出東流經安陽到海口入黃龍湍立巖在其洄曲處巍然立于水中望之若浮屠其下深不可測俗傳有龍焉歲旱沉虎頭必雨奇巖削鐵十尋餘倒挿潭心盡不如日暮烟橫層

坐露駕鵝飛上落嚙魚

洄洄巖底是龍湫
應訝騷人隔歲遊
却恐風雷起平地
須催歌吹下芳洲

元戎談笑翫游儵
乘興故來露滿洲
醉看馬頭端正月
忽驚佳節已中秋

丁亥中秋

維城為盛府賤子忝元寮
二載吟秋月清光勝別
宵雲收蒼海閣屏冷綵鸞
遙擢左沉牛斗轅門正
寂寥

梁山雙碧樓次韵

波光倚影曲欄邊樽酒留連樂聖賢攬景不堪傷
往事憑君更欲喚飛仙江山許我非生客軒冕無
心有老天真夜月明仍倚柱如轟鐵笛過瑤田

望湖堂和世蕃

數日論文肯掉頭明朝却恐失詩流華樓寶瑟無
秋月誰謂天涯不中留

和崔青松

尚柔崔以武舉仕至青松府使退居慶州村莊

幕吏書齋塞塔在河汾

羈陵不作故將軍世事年來斷見聞自愧折腰為
幕吏書齋塞塔在河汾

琉球使以水滴餉上洛君其制甚巧上洛令

余代作以謝

山腹橫穿海眼明花甕誰幻玉蟾精從今添得文
房友濡筆將書內景經

送對馬島宗四郎代護送官任正叔

行李飄飄一葉蘆秋風離恨逐檣烏若將縞紵長
相憶萬里鯨波是坦途

答安東教授趙

呈趙善奕

二載遨遊驃騎營誰言落魄一書生遙知王子閑
敲處風雨蕭蕭夜丙丁

梁山澄心軒夜坐記所見

風聲碎竹塢月影晃蘭皋客子少秋睡開窓披緼
袍昏花落遙野灝氣如波濤魚跳乍撥刺鶴駭鳴
聲豪星河蘸澄碧橫泛一雙舸循除瞰樓閣岑寂
攬天高朝來敲榜地只有絡緯綠忽覺夜氣勝散
髮情陶陶還恐鷄早叫冠帶走塵勞

